



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Pauli Segneri S. J. Instructio [!] Poenitentis,  
Confessarii, Et Parochi**

**Segneri, Paolo**

**Augustae Vindelicorum ; Dilingae, 1696**

Reverendissimo Et Amplissimo Domino Domino Wilibaldo S. R. I. Prælato  
Celeberrimi ac Imperialis Monasterij Weingartensis Abbati Vigilantissimo  
Sacrae Cæsar. Maiestatis Consiliario Collegii Sac. Rom. ...

[urn:nbn:de:hbz:466:1-52749](https://nbn-resolving.org/urn:nbn:de:hbz:466:1-52749)

REVERENDISSIMO  
ET AMPLISSIMO  
DOMINO DOMINO  
WILIBALDO  
S. R. I. PRÆLATO,  
Celeberrimi ac Imperialis Monasterij Wein-  
gartenſis  
ABBATI VIGILANTISSIMO  
*Sacrae Caesar. Maiestatis*  
CONSILIARIO  
COLLEGII SAC. ROM. IMP. PRÆLATORUM IN  
CIRCHLO SUEVICO  
DIRECTORI &c.  
DOMINO AC PATRONO SUO  
*PER QUAM GRATIOSO*  
VERAM AC PERENNEM FELICITATEM CUM OBSE-  
QUIIS DEVOTISSIMIS INTERPRES.

**P**rodit in lucem hæc Pastoris Animarum In-  
stitutio, latinè jam loquens, à me promif-  
ſa pridem, à multis, niſi fallor, avidè expe-  
tita. Didicit enim jam Mundus, quàm  
nobiles ſint fœtus, quos tantus Parens ge-  
nuit. Sunt in oculis & amoribus multorum fratres na-  
tu majores aliquot, Conciones maximè per vernum jeju-  
nium habitæ, & Christianus in ſua Lege inſtitutus, quin  
X 2 & qui

EPISTOLA

&, qui hunc natu majorem præcurrit, Benjaminus  
 Conciones coram Summo Pontifice habitæ. Promi-  
 tunt isti, fratrem hunc non degenerem nihilo minus emol-  
 lumentum ijs allaturum, qui si sunt, quales oportet, parum sa-  
 nè aberit, quin tota Respublica Christiana sit optima.  
 Hos autem cum formare studeat libellus iste, cur ad Vi-  
 neas properat? cur non eorum primò in manus venire so-  
 stinat, qui, ut pascere discant Gregem Domini, sacram le-  
 laudabili & usitata jam pluribus in Dicecesibus consuetu-  
 dine, abunde in solitudine, ibi & Meditationibus anno-  
 matum vitæ Christianæ, & idoneorum librorum lectura-  
 one ad munus tam sublime instituendi? His certe, si  
 quibus alijs, utilis esse hic liber poterit: atque utinam ip-  
 dem fieret quàm maximè familiaris!

Sic est: sed ut evaderet quàm utilissimus, eundem  
 fuit ad Vincas, & tuis REVERENDISSIME & AMPLISSIME  
 S. R. I. PRÆLATE manibus atque oculis demississimè con-  
 tendus. Format ille Vinitores: quibus enim magis, quàm  
 Parochis, magnus ille Paterfamilias dixit: *Ite & vos in  
 Vineam meam?* rectène autem, ac secus, isto fungatur  
 munere, quis judicabit meliùs, quàm ille, qui Vineam  
 longè nobilissimam suæ commissam curæ, tantâ felicita-  
 te, quanto labore & industriâ, utrisque maximis, hæc-  
 nus excoluit? Nobilissimam dixi Vineam, quam tanto  
 bono publico diu jam excolis, PRÆLATE & ABBAS VIGI-  
 LAN-

SECRETUM  
 CONCIONES  
 INSTRUCTIONES  
 PENITENTIARUM  
 CONFESSARIORUM  
 PAROCHIALIUM

## NUNCIATORIA.

LANTISSIME. Talis enim non potest non esse, quæ tot iam,  
& novem scilicet per secula, floret pulcherrimè, fruges  
fert uberrimè. Quæ ignobiles sunt tantam ætatem non  
ferunt; silvescunt, exarescunt; quæ eosdem semper colo-  
nos habent, bonos habeant necesse est: nunquam autem  
alios Vineæ vestra habuit: habuit igitur optimos, & si  
optimos, non potest ipsa non esse optima; talem enim o-  
ptimi aut inveniunt, aut faciunt. Nihil ego de priori-  
bus dicam ætatibus: historiâ ad id longâ opus foret, quam  
ego non texo. Hodie qui attentos in illam oculos con-  
jicit, quos jam non pampinos tantùm (quanquam etiam  
pampinos) sed botros, sed uvas, attonitus intuetur? quàm  
pulcher earum color, quàm suavis odor, quàm liquor sa-  
lutaris? Intelligis REVERENDISSIME PRÆLATE, quid dicam.  
Floret, inquam, hodie in Asceterio tuo antiquissimo recen-  
tissimum Disciplinæ veteris studium, viget ad summum  
virtutis perfectionisque apicem conscendendi conatus,  
suis est bonis literis, & maximus quidem, honos, œcono-  
miæ cura haudquaquam sanè neglecta. Absolvunt hæc  
suis numeris Vineam sacram, quæ ipsa pluribus describere  
operæ pretium foret, si nota non essent omnibus, quibus  
Vineæ vestra ignota non est. Talis autem si Tua est Vi-  
neæ, Tu Vinitorum idea es, & exemplar perfectissimum;  
Tibi proinde, rerum istarum scientissimo, si hæc probata  
fuerit, quam supplex offero Vinitorum, quia Parochorum  
Insti-

## EPISTOLA

Institutio, cui illa prudenti poterit non probari? Hæc igitur est causa, etsi non unica, ob quam ad te ipsa festinat.

Non inquam causa unica: meminerunt enim Pastores & Pastores Animarum, dictum sibi ab Oratore autem: *Sanguis Christi de manibus vestris exquiretur*: pretiosum sanè depositum, quod quâ ratione custodiendum sit, à quo tandem discent melius, quàm ab eo, qui depositum simile custodit fidelissimè? Sex iam per Secula servatur vestra in Ecclesia pars illius liquoris divinissimi, cuius gutta unica non unius, sed innumerabilium Mundosum pretium superat. Diligenter custoditur, quod tanto servatur tempore. Hanc æmulari diligentiam eos decet, qui Animas curant, hoc redemptas Sanguine: de ad hoc non possunt non excitari, cum huius in libelli fronte nomen custodis omnium confessione fidelissimi legerint.

Alia quid commemorem? quantum Tibi, PRELATE REVERENDISSIME, PATROME GRATIOSE, tota nostra Societas, quantum minimæ Societatis minima Provincia hæc Germaniæ Superioris, quantum ego privatim debeam? hoc dicam unum, ne modestiam tuam vulnerem, debere nos longè plus, quàm reddere unquam possumus: huiusque nostri debiti hoc quaecunque velle extare monumentum: ad id serviturum maximè ut constet, nos etiam non omninò nihil ad colendam Domini Vineam confert,

## NUNCUPATORIA.

conferre, atque adeò tantâ beneficentiâ, tantis gratiis non penitus indignos. Nobis etiam illud sub huius Mundi crepusculum dictum arbitramur: *Ite & vos in Vineam meam.* In hac proin, etsi unâ horâ novissimi, pro virili tamen laborantes, in Te, tuumque Religiosissimum Cœtum, qui portavistis pondus diei & ætus, oculos conjicimus, speramusque nos suo tempore, vobis gratulantibus, accepturos etiam denarium diurnum, qui culturæ Vineæ merces sit locupletissima, quia æterna. Ad hanc consequendam, utinam plurimis hic libellus serviat! id certè ego in eo latinè reddendo spectavi unicum, nec nullum laboris spero fructum, si Tu REVERENDISSIME & AMPLISSIME S. R. I. PRÆLATE, PATRONE PER QUAM GRATIOSE, dignaberis illi bene precari, quod ut velis, omni quâ possum demissione ac studio etiam atque etiam supplex rogo, futurus dum vixero, novo hoc gratiosoque favore cumulatus,

Reverendissimi & Amplissimi S. R. I.  
Prælati, Patroni perquam Gratosi

Dilingæ 22. April 1696.

*Servus infimus, devotissimus*

Maximilianus Rafsler S. J.